

جریدہ علیہ

مشیخت جلیلمہ اسلامیہ نمک جریدہ رسمہ سید

ربیع الاول ۱۳۳۷

عدد ۴۱

آیدہ بر نشر اول نور

دوبجی سنہ

دارالحکمة الاسلاميه نك مقررات و نشریاتی

مقررات

دارالحکمة الاسلاميه نظامنامه سنك دردنجي ماده سی موجباً انجمنلرک مساعیلرندہ کرک عالم اسلام و کرک عالم مدنیتده کی مجاری افکار و احتیاساتی تدقیق ایتلمی لازم و بو مقصدک حصولی طشرده کی احوالک بیلنمسنه متوقف اولدیقندن داخلده و خارجده کی بالعموم مفتین کرام احوال محلیه لرینک تدقیقه اعتقاد و اعمال و اخلاقه عائد مطالعه لرینک تحریراً انبا و جرائد محلیه ده مطالعه ایده جگوری دین حقنده کی مقالاتک مقطوعه لرین ارسال ایتلمی حقنده تعمیماً تبلیغات مقتضیه ایفاسی لزومی متفقاً تذکر قلندی .

۴ ذی القعدة ۱۳۳۷ ۱۲ آغستوس ۱۳۳۴

*
* *

دارالحکمة قانوننه عائد اسباب موجبہ لایحه سنک صوک فقره سنده دائره نك تشکیلاتی خارجنده بولان ارباب فضیلت و معرفت قیمتدار معاونه لرندن دخی استفاده ایدیه بیلیمچیون علمیه بودجه سنک اوچنجه فصلنه التنجی ماده اوله رق مکافات تألیفیه نامیه تخصیصات وضعندن بحث ایدیلورسده بونک بالذات دارالحکمة طرفندن کوریه جک لزوم اوزرینه تعیین اولنه جق موضوعلر دائره سنده ینه دارالحکمة طرفندن یازدیریه جق آثاره انحصاری لازم کله جکی بناءً علیه بو شرطی حائر اولیان اثرلره مکافات ویرلک ایجاب ایتیه جکی هیئتجه متفقاً قرار ویرلدی .

۱۱ صفر ۱۳۳۷ ۱۶ تشرین ثانی ۱۳۳۴

*
* *

[*] اشبو قرار اوزرینه صورتی جریده نك (۳۹) نجی نسخه سنده مندرج تحریرات عمومیه .

مشیتیناهی اسطیر بیورلشدیر .

دارالحکمة اسلامیه طرفندن مفتی افندیلره تعمیماً یازیلان تحریرات

صورتیدر

حقائق دینیہ و معالیٰ اسلامیہ بی نشر و تعلیم ایله موظف اولوب بو وظیفه میجایی مستعیناً بشوفیقه تعالیٰ ایضاً مباشرت ایتمش اولان دارالحکمة الاسلامیه هیئتی هدف اتخاذا ایتمش اولدینی غایه قدسیه و وصول ایچون مساعده و سعی نسبتده بذل مجهود ایتمکدن کرو طورمایه حق اینسده زمانک حالی و مقصدک عظمت و اهمیت عالیهالی بو بایده کندیسنه خارجدن هر درلو معاونت ممکنه نك بیدیریغ طو تلمسی استلزام ایتمکده بولنشدن بناء علیه کړک مرکز و کړک ملحقانده واقع مدارس علمیه ده تکمیل نسخ ایتمش پاخود مکاتب عالیه نك برندن نشأت و عقیده اسلامیة سنی حسن محافظه و تبعات ذاتیه نتیجه سی اولارق حقائق دینییه ایجابی قدر و قوف پیدا ایتمش اولان ذواتک لدی الایجاب آرا و مطالبات و معلوماتلرندن تحریری و شفاهی و یادیکر صورتله استفاده اولمق آرزو ایدلایکندن شرائط مسروده بی حائر کیملر وار ایسه بالفعل تدریسده بولونوب بولمیدینی نظراعتباره آلتقمسزین اسملرله طرف شریفلرندن مصدق مختصر ترجمه حاللرینک دارالحکمة یه انبا و ارسالی تمئی اولتور.

۱۳ صفر ۱۳۳۷ ۱۸ تشرین ثانی ۱۳۳۴

نشریات

وظائف انسانیه

« ایحسب الانسان ان یتړک سدی »

هر کسی را بر کار سازند = میلش اندر قلب او انداختند

بقای مدنیت و احتیاجات بشره خدمت غایه سیله تأسیس اولمش بر فایزیه نك ما کنه دائره سنه کیردیکمزده کندیمزی حیرتقزا بر منظره قارشینسده بولورز .

کورورز که ما کنه نك محتوی اولدینی آلات میخانیه کیه دن هر بری حکمة طبعیه قوانینی ایجابجه کندینه مودوع اولان متسلسلاً تأثیر ویا تأثر وظیفه لرندن برینی کمال کرمی ایله اجرا و شو صورتله بالذات ویا بالواسطه غایه مطلوبه نك حصوله خدمتی ایضا ایتمکده در .

شر منظره دن بزه عكس ایدن انطباعات یعنی ساحه تماشامزده ولوله دار اولان شو
 کبر و دار مساعیدن دماغمزده حاصل اولان انتقاشات ایسه حرکات منظمه ووظائف
 مرتبه نك نه کبی بدایعه مصدر اولدیفنك ودها نه لر ایجاد ایده بیهل جک نك یقیناً معلومیتدر.
 ذوق تماشانك بخش ایتدیکی لذت سوقیه . دائرة تحریری بالتوسیع نظری
 بتون آفاق عالمه طوغری تمید ایتدی کمزده کورورز که آیدن ، کونشدن ، بیا بزلردن ،
 بتون اجرام علویه دن هربری . ابرو بادومه وخورشید و فلک درکارند مصراعی مؤداسنجه
 کندینه مودوع بر وظیفه نك ایفاسیله مشغولدر . آکلارز که بازار کائناتده دون بتون
 معاملات . تعقیب وظائفدن عبارتدر ، منظومه عالمده مهمل بر موجودیوق . تغییر و قیام
 غیر و غیر هر نه که وارسه مادامکه دائرة وجوده کیرمشد بر همه حال کندینه مخصوص
 بر وظیفه نی . مرتب بر خدمتی واردر .

حتی جلال الدین رومینک بوندن یدویوز سنه اول قوه قدسیه ایله کشف ایتدیکی
 جاذبه عمومی قانوتی ناطق اولان شویقی ، بوحقیقی بتون شمعنه حیرتبخشاسیله کوسترمکده دره .

ذره ذره اندر این ارض وسما = جنس خود را همچوگاه و کهربا

روح وظائفك شو صورتله بتون قالب کائنات سمریاتی و سر تکلیفك بلا استثنا کافه
 ذراته ضمول و جریاتی کورنجه ، مردم دیده ا کوان اولان انسانك دخی کرک شو عالم کبر و دار
 هستینه امر معیشتی تأمین و کرک عالم آخرتده نیل سعادتله تغللات وجدانیه نی تطمین
 عشق و سوداسیله ، اجراسیله مکلف بولندینی بر طاقم وظائفی بولنسی لزومه انتقالده
 تردد ایتمیز . . .

نصل تجویز اولنه بیلیر که قشر جنب تکالیف آره سنده صیقیشین یاغی ، صیریلین
 و بونکله برابر بتون چکدکاری متاعب و دوچار اولدینی مصائب لبك سعادت تأمیندن
 عبارت بولنسونده لب ، هیچ بر تکلیف ایله مکلف ، هیچ بر وظیفه ایله موظف
 بولنسون .

روایدر که متسلسل بر کتله مقدمات نتیجه سز براغلسون ، قایلیمدر که ملیونلرجه
 خدمه ، بر افندیك کیفی ایچون زنجیر تکالیف آره سنده قیورانسینده اولمیونلرک روحی
 ضایه سی اولان افندی ، اریکه نشین عطات اوله رق قالسین ، کندینك جانلی بروظیفه سی
 روحلی بر فعالیت اولماسین .

ممکنیمدر که ذراتدن شمس واره و انجیه قدر بتون منظومه عالم اتزعیم انك جرم

صغیر و فیک انطوی العالم الا کبر نشیده سی مؤداسنجه کنیدی اقلیم وجودنده بر صورت خارق العاده ده طوبیالاسین و هر برینک حکمت وجودی انحق کنیدنک تأمین استراحتی جهت معطوف بولسونده، انسان اونسخه کبرای عالم هیچ بر وظیفه ایله موظف هیچ بر تکلیف ایله مکلف اولمایه رزق چراگاه هستیده ویناسون کزسون . اشیا فطر تک بر کتاب معجز اداسی ایسه انسان انک بر منظومه غراسیدر .

ماسوا قدر تک بر آینه عبرتماسی ایسه انسان آنک ساحه شهودنده جلوه قیلان مشهوداتک بر صورت زیباسیدر . بشقه لری آکا نسبتله بر تمثال بی جاندر .

ایشته انسان دیدیکمز او منظومه تودیع اولنان مضای و آینه ده کوزوکن صورت زیبانک روحی، فیاض قدرت طرفدن کنیدنه وقوع بولان تکالیف و اجرانسه شتابان اولدینی وظائقدردر .

باخصوصکه انسان حقنه تجلی ایدن بتون فیوضات کبی، تکالیف الهیه ده ینه کنیدی حقنه بشقه بر بهانه ایله ، بشقه بر کوزلله تجلی ایدن بر لطف صمدانیدر . انسان چالیشیر، معاش و معادنی تأمین ایدر . اشتغالات دنیویه سنک نتایجنده حس ایتدیکمی اذواق جسمانی ینه کنیدی اکلندیرر .

اشتغالات معنویه سی عبادات و طاعاتی انساننده حس ایتدیکمی نفحات قدسیه و نتیجه سنده حاصل ایتدیکمی نعم الهیه ینه کنیدی روحنی اوخشاره ، بونده غنی عن العالمین اولان جناب حقه راجع حاشا هیچ بر منفعت متصور دکلدردر . بالاده تصویر ایتدیکمز ما کنه لک، آیلرک، کونشیرک، و سائر نک عملیاتندن متحصّل منافع ایسه کنیدیلرینه راجع اولماقدن بشقه ینه بو مستغرق الطاف سبحانیه اوله کلن انسانه راجعدر .

مقاله مزک سرلوحه سنی زین ایدن « بحسب الانسان ان یتک سدی » نظم حلیل سبحانی عرض ایتک ایستدیکمز شو حقیقی یعنی بتون موجودات ، کنیدنک کافه احتیاجات و سعادت تأمین اوغورنده منتظم بر ما کنه جالنده کیجه کوندوز چالیشوب طوران انسانک ده کنیدی ایچون او مکمل کنه مساعی بی ایجاد و بوسایده کمال قوه قاهره و سطوت باهره سیله بتون لوازم حیاتیه سنی اعداد بیوران خالق بی انبازینه قرشی مکلف اولدینی بر طاقم وظائفی بولندینی و چالیشوب چالایان آفاقه مقابل کنیدنک مهمل بر اقلیمه جفی قدسی و لاهوتی بر بیان ایله افاده بیورمقدردر . .

مقصده کبر مردن اول شوراستی ده نظر دفتدن مهجوز بر اقامالم که بروجه معروض
بتون موجوداته تحمیل ونشمیل اولنان تکالیف آره سنده قلت وکلفت رقت و تراکت
اعتباریله خیلی تفاوت موجوددر. هر هانگی بروطفه غایه سنک علوقی و استهداف ابتدیی مقصدک
قدستی اعتباریله کمندیه معادل اوله میان دیگر بروطفه نک هر حالده فوقده بولنه جنی شبهه سزدر.
اقلیم بدنده دیشرک کوردیکی وظیفه ایله شراین واورده نک کوردیکی خدمت هیچ بروقت
نظر مساوات ایله کوریله من. ایکنجنک اولکنه نسبتله وظیفه سنک تراکتی، بالذات
خدمت ابتدیی غایه نک اهمیتیه کندی اولکنندن دها اهمیتلی موقعه بولندیره جنی امر آشکاردر.
دمیرجی ایله ساعتجی بی، اوروجک ایله ابیک بوجک کی کیمسه مساوی کوره من. . .
شو حالده بو نظریه بی وظائف انسانییه حقنده ده یوروتک ولو بر صورت عمومیه ده
اولسون وظائفنک رقت و تراکتی سنجیده میزان تدقیق ایده لم. بو خصوصده اجمالاً
معلومات ایدینک ایچون مشوبده کی شویتلری مطالعه کافیدر :

در حدیث آمده که بزدان مجید
خلق عالم راسه گونه آفرید
یک کر را جمله عقل و علم وجود
اوفرشته ست او ندا ندجز سجود
نیست اندر عنصرش حرص و هوا
نور مطلق زنده از عشق خدا
یک گروه دیگر از دانش تهی
همچو حیوان از عاف در فری
اونیند جز که اصطبل و علف
از شقاوت غافلست و از شرف
این سوم هست آدمی زادو بشر
از فرشته نیم اویمیش حز
نیم خر خود مائل سفلی بود
نیم دیگر نائل عقلی بود
آن دو قوم آسوده از جنک و حراب
ویل بشر بادو مخالف در عذاب

دارالحکمة الاسلامیه اعضا سندن

موردت